

0-2 b

Dirêtô

Praises of game & othwe animals

- (1) Tlou tšhupjwa di tšwago bolepeje, tlou phepela di tšwa Bokgalaka.
- (2) Thotlwa meletse maditsi ka šalela, ke thotlwa makakatla mokhufi mmona tša kgole.
- (3) Kubu tona wa bo lepelle semetša mokololo mogolo ga kena molato
- (4) Phokhu matšhala a rethetha thakga sa diphôšfôlô bo pitsi le bo thotlwa
- (5) Kgokong ya lelotelote selo sa madi a monate kgokong o se sele gole tša mašako o ka di bona.
- (6) Phalafala mahlabane maredi a mmamogale a letswata.
- (7). Thetele ngwana makalela namela seolo o hlapetše bakgolagadi ba ditlou ke ngwana makalela a kadile theteletša motse.
- (8) Thaetsi goba klabakalela ke hlaba ka dulela.
- (9) Phitlwa ke hōhlwane wa madi mabe senkga mafetla a metse.
- (10) Šôšô ke segoboro sa masodi.
- (11) Letlabo ke lenkwena mookatsi ba rokela metse a pula.
- (12) Phuti malolana e re mosegare ya hlwa e robetše. Ke phuti matsaratsara kgaetšedi ya boletlabo.
- (13) Pudubudu le epana se tswaro sa bo lephatši.
- 2 (14) Mmutla morwa le nawasa, mmutla tiiša lebelo dimpja di go hlakanetše.
- (15) Tau thepudi ya maja ditala thoba dingwe mekokotlo, ke mampuru wa boroka seetela mafalafala mapitsi a epa motšhabo.
- (16) Nkwe ke thwane le mabala lenkwe lethwethwe la go ja pudi tša malome.
- (17) Senkankanka ke sebatana sa go gola hlogô ya go roba dingwe mekokotlo.

- (18) Phiri tona marakabela a dibata ke mma nthoma ka ngwedi
vka tsetsela ka dumetša ka lefsifsi. Ke phiri la go tšea
mpja bosele
- (19) Letaya ke hlalerwa lamolopethane la raka phala ga le eme
le ema ka go nwa madi.
- (20) Phukubje ya lla moletše la ga matlala le faletše ke phukubje
moneneri moeta ka lebelo.
- (21) Lesese la pholo kapara dingaka. Ke fokwe matete la go ja
masokolodi.
- (22) Sesele bankgoše phefo le nkweleng sa monkgo.
- (23) Tšhipa motona maraka ga ke a ja ke hwetše tlotle tša maloba.
- (24) Phaga ya makana magolo semanke sa mmamotseo.
- (25) Pela tona wa kgokgomedu moreti wa lewa ke wele.
- (26) Mankobo ke kgano ga ba molemoge.
- (27) Matsnwi morabarabi o boa le lephete molaleng.
- (28) Legotlo la go ja dithaka ntlong.
- 3 (29) Mphje ke ra bolaane tongwe metheka le wago ke sepela.
- (30) Hlame kgolo wa bokgalaka masohla leeto.
- (31) Moselesele mošitwa wa makwa ke kgaladingwana dipulana ka
lla sekgweng.
- (32) Kgaka nthute go tshetshetha ke tla go ruta go metša tshehlo.
Tshehlo ba metša di le tala tša omelela di a hlaba di
hlabile kgwale mogolo.
- (33) Mokgotho pitsi wa bokgalaka nonyana mpetla petli.
- (34) Leeba ke mmankuru wa leeba ke ya go hwa ke bone bana baka.
- (35) Kgorwane ke mamolaledi a dibibi.
- (36) Legodi ke letlaka mmamolobe ka lora ke eja pitsi ka tsoga
ke eja thotlwa.
- (37) Maphokwe a ra mokodi a mangana pula sena ka go rata wa
ripa diphafa ga o a bolaya o a kokota o ripe hlogo.
- (38) Kgwadu ngwana manyela kwena madibeng.
- (39) Makabela la seboko malebelela di jewa.

- (40) Legokobo le tšewa maune la ntšhmulela molomo.
- (41) Theko ka befa mmele molodi ke a goloketša e kare ke diala
ba goketše.
- (42) Magalane motheathei mothei wa taba tša batho.
- (43) Toditswane ke toditswa madiba mabele ga ke je ke nwa meetse
fela.
- 4 (44) Kgokgomothe ya mma sepeapei nonyana mpetlapetli e betlile
mere mogolo.
- (45) Mamokwatšhela ke fofa selemo se tlile.
- (46) Thakadu makinya a bo molete se epa dintlo masola bo kolobe
ba tla ka go tsena.
- (47) Kolobe ntšhetšhenene se ja mehletlwa ya leboto.
- (48) Kgomo ke mangwakwana a serema kgorogwana motseng mehlala
ya sala kgakala.
- (49) Nku ke lekgapa notwana manku bollwana a loma.

Ka Mphantlane

End. S.668

J.P.M. Malatši.